



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1740. usque ad annum 1742

**Fleury, Claude**

**Augustæ Vindelicorum, 1787**

**VD18 90119649**

§. 27. Bartholomæi Ruspuli Cardinalis decessus.

---

[urn:nbn:de:hbz:466:1-67882](https://nbn-resolving.org/urn:nbn:de:hbz:466:1-67882)

trum subscriptionibus, doctissima ad Lectorem prælatione, notisque succinctis quidem, sed eruditissimis locupletavit: hanc in rem scribit doctissimus Præsul Marius Guarnaccius in vit. Pontif. & Card. tom. II. p. 684. *ipse eximii hujus laboris Author latet, quia ipse (Lanefridinius) ut in more habuit, suum nomen reticuit, ipse tamen author fuit, uti & ego harum rerum scriptor, testimonium perhibeo ex indubia instructus scientia, & Testis de visu (contubernalis enim eram cum eo, & ex munificentia Ducis Magni Etruriæ in eodem Palatio Medicæo morabamur.)*

## §. XXVII.

*Bartholomæi Ruspuli Cardinalis decessus.*

Ejusdem Mensis die vigesima prima eandem æternitatis viam ingressus est Bartholomæus Ruspulus ex præclarissima Romanorum familia die vigesima quinta Augusti anno evoluti sæculi nonagesimo septimo natus. Pater ejus erat Franciscus Maria Princeps Cervetri, Mater vero Maria Isabella Cæsia Ducis de Aquasparta Filia, lectissima sane Matrona. Horum cura puer Nobilis prima Religionis pietatisque ac literarum fundamenta posuit in



Sæc. XVIII. paterna domo. Inde Senas ad Collegium Nobilium Ptolomæorum deductus, gravioribus vacabat disciplinis, quibus rite imbutus, ac Melitenfium Equitum Ordini adlectus Romam rediit, ubi vigesimo secundo ætatis anno a Clemente XI. inter Curie Romane Præfules ac Protonotarios cooptatus est. Mortuo eodem Papa a Carissimi Senatu Governor conclave electus, monetas sua effigie ac insignibus ornatas cudi fecit. Admirabantur omnes splendidam ejus liberalitatem, eandem atque integritatem, qua durissimis hisce comitiis amplissimum munus obibat: unde ab Innocentio XIII., cui affinitate propinquus erat, statim a supplicibus libellis renuntiat, toto Pontificatus tempore maximum hunc Magistratum laudabilissime gessit, succedente demum Benedicto XIII. quem pariter affinitate attigit, a secretis Congregationis de propaganda fide esse jussus est, nec tamen amplius honores ac dignitates, imo nequidem vacantem Pontificiæ Domus Præfectoram, minus vero Purpuram obtinere poterat, eo quod Cardinalem Cosciam, qui Pontificis animo plene dominabatur, amplis muneribus demereri requebat, tantopere enim Bartholomæus a fortis da hac officiorum nundinatione abhor-



ruit, ut etiam proprium suum Parentem, qui de Filii sui fortuna male providus præfato Coscix ingentem pecuniarum vim obtulerat, severitate religioso Principe digna reprehenderet, quinimo ne vel levissimæ suspitioni de simonia in ejusmodi promotione ullus unquam esse posset locus, abdicato etiam Secretarii munere Roma omnino excessit, nec eo amplius rediisset, nisi illum Benedictus XIII. paucis ante obitum suum diebus revocasset, eique perbenigne excepto declarasset, se non modico dolore affici, quod tanti Viri merita digno præmio compensare hucusque neglexisset. Id tamen abunde supplevit Clemens XII. ejusdem Successor, a quo Ruspulus Purpura donatus, ac pluribus Patrum Cætibus aggregatus, pariter ditissimum in Urbe Prioratum Hierosolymitanæ Equitum militiæ obtinuit. Plurium quoque SS. Ordinum, aliorumque in Urbe locorum piorum Protector electus est. Interfuit etiam solemnique quatuor Sanctorum Apotheosi, ubi Rem Divinam consueta pompa pergit, pingue vero honorarium conferri solitum mox in pauperes munifica manu distribuit. Insuper sacris comitiis adstitit pro electione Benedicti XIV. paulo post tamen pectoris hydrope obrutus, ad perficienda negotia minus prom-

Sæc. XVIII.

A. C. 1741.



Sæc. XVIII.  
A. C. 1741

promptus videbatur, sensimque morbo animi officia prægravanti, postquam cum illo diu, varioque successu colloctatus fuerat, tandem succubuit, die vigesima prima Maji in oppido Vianellæ Familix suæ Feudo mortuus. Corpus ejus, uti testamenti tabulis cavetur, humatum est in Ecclesia FF. Capucorum. Vixit annos quadraginta tres. Menses octo cum viginti sex diebus.

§. XXVIII.

*Laurentii Altierii Cardinalis extrema.*

Tertius ex Purpuratis hoc anno detestis erat Laurentius de Altieris Sæmæ die nona Junii anno post Christum natum millesimo sexcentesimo septuagesimo primo genitus. Patrem habuit Casparem Palutium Albertonum a Clemente X. in propriam Familiam adoptatum, Matrem vero Lauram Catholicam nam Altieriam Ejusdem Pontificis Nepotem. Ab his Ordini Ecclesiastico destinatus, huic dignitati, necnon ante generis sui nobilitati parem nactus est educationem, præcipue cura Pro-Palutii Cardinalis Palutii cognomento Altierii, qui impuberem adhuc pluribus Ecclesiasticis beneficiis augeri procurabat, nec inutili conatu; quippe apud Alexandrum VIII. affinem suum tantum